



服部文庫
イ 17
2167
7



117号
2167
7



是水翁諱延親藤澤氏稱鋌助小字彦一郎前沼津藩星野延典家子少為藩侯近侍臣娶某氏舉一男曰彦右衛門考既致仕翁使男承嗣去遊上総盖有所感悟云居數年考頻促歸非其志也叔父藤澤八右衛門幕府士也死無子以考命出嗣其家會外警事起幕府置新鴻奉行翁為其僚屬遂家焉翁性澹泊不與物競善俳諧歌以宗匠自居人亦許之踰念誦庵鬼佛既改更量外居是水遂為通稱既老亦厭游道之煩絕交世間一篇俳句不復示人道遙自適初

星野氏以富名於一藩而翁不居焉藤澤氏赤貧如洗而翁自若常戒子弟以富害於立志又自說豪放失德以使其反省嗣子親之幕府時為陸軍士官雖新後歷試諸難累遷內務權少書記官叙正七位家計非昔日比奉養莫所不至每進翁新衣翁却之曰汝為朝廷貴官車服當有_百制余一頑老何有於服新衣非余所安也乃進澣濯衣翁欣然曰是余所安以為美也余所美異於人焉其自養率此類配藤澤氏生二女先歿次配齋藤氏生一女亦歿後娶佐藤氏無子養忍藩武田盈慶第三子配長女為嗣既親

之明治十四年十二月翁疾曰余疾必不起當以十一日瞑乃召子孫分小帖觀之則銀行金券數年前以孫子名寄者也歿之日召紙筆目既無視使親之就吟箋指下筆處乃援筆暗書臨終句一揮不滯署名畢使親之誦讀以知無誤溘然逝矣實十一日也年七十四葬于東京谷中頌玄寺瑩次



